


«ТАСДИҚЛАНГАН»  
“Chilonzor buyum savdo kompleksi”  
АЖ акциядорларининг 2022 йил  
14 сентябрдаги навбатдан ташқари  
умумий йиғилиши томонидан

Мажлис раиси



(имзо)



(Ф.И.Ш.)

# «Chilonzor buyum savdo kompleksi»

AKSIYADORLIK JAMIyatINING  
КУЗАТУВ КЕНГАШИ ТҮГРИСИДАГИ  
НИЗОМИ

## I. Умумий қоидалар

1.1. Мазкур Низом "Акциядорлик жамиятлари ва акциядорлар хукукларини химоя қилиш тўғрисида"ти Ўзбекистон Республикаси Қонуни, Ўзбекистон Республикаси Президентининг 2022 йил 8 апрелдаги ПФ-101-сон Фармони, Вазирлар Маҳкамасининг "2021-2025 йиллардá давлат иштирокидаги корхоналарни бошқариш ва ислоҳ қилиш стратегиясини тасдиқлаш тўғрисида"ти 2021 йил 29 марта 166-сон карори ҳамда "Chilonzor buyut savdo kompleksi" акциядорлик жамияти (кейинги ўринларда – Жамият) уставига ва бошка норматив-хукукий хужжатларга мувофик ишлаб чиқилган бўлиб, Жамият Кузатув кенгашининг мақомини, ваколатларини, хукук ва мажбуриятларини ҳамда унинг аъзоларини сайлаш ва уларнинг ишлаш тартибини белгилайди.

1.2. Жамият Кузатув кенгаши Жамият фаолиятига умумий раҳбарликни амалга оширади, амалдаги конунчилик ва Жамият Устави билан акциядорлар умумий йиғилишининг ваколат доирасига киритилган масалаларни ҳал этиш бундан мустасно.

1.3. Жамият Кузатув кенгаши ўз фаолиятини амалдаги конунчилик, Жамият Устави ва мажур Низомга асосан амалга оширади.

## II. Кузатув кенгашининг ваколат доираси

2.1. Жамият Кузатув кенгаши аъзоларининг сони 9 (тўккиз) кишидан иборат.

2.2. Жамият Кузатув кенгашининг ваколат доирасига қуидагилар киради:

2.2.1. Жамиятни ривожлантириш стратегиясига эришиш бўйича кўрилаётган чоратадбирлар тўғрисида Жамият ижро органининг хисботини мунтазам равишда эшлиб борган ҳолда Жамият фаолиятининг устувор йўналишларини белгилаш;

2.2.2. Акциядорларнинг йиллик ва навбатдан ташкири умумий йиғилишларини чакириш, конунчиликда назарда тутилган ҳоллар бундан мустасно;

2.2.3. Акциядорлар умумий йиғилишининг кун тартибини тайёрлаш;

2.2.4. Акциядорларнинг умумий йиғилиши ўтказиладиган сана, вақт ва жойни белгилаш;

2.2.5. Акциядорларнинг умумий йиғилиши ўтказилиши ҳакида хабар қилиш учун Жамият акциядорларининг реестрини шакллантириш санасини белгилаш;

2.2.6. Жамият Уставига ўзгартиш ва қўшимчалар киритиш ёки Жамиятнинг янги таҳрирдаги Уставини тасдиқлаш масалаларини ҳал қилиши учун акциядорларнинг умумий йиғилишига киритиш;

2.2.7. Мол-мулкнинг бозор кийматини белгилашни ташкил этиш;

2.2.8. Жамиятнинг ижроия органинни тузиш, унинг раҳбарини сайлаш (тайинлаш), раҳбарнинг ваколатларини "Акциядорлик жамиятлари ва акциядорларнинг хукукларини химоя қилиш тўғрисида"ти конунини 79-моддасига ва бошка меъёрий хужжатларга асосан муддатидан илгари тугатиш. Жамият ижроия органининг раҳбарини тайинлаш тўғрисидаги карор, коида тарикасида, чет эллик менежерлар иштирок этиши мумкин бўлган танлов бўйича саралаш асосида амалга оширилади.

2.2.9. Жамиятнинг йиллик бизнес-режасини маъқуллаш. Бунда Жамиятнинг келгуси йилга мўлжалланган бизнес-режаси Жамият Кузатув кенгаши мажлисида жорий йилнинг 1 декабридан кечиктирмай маъқулланиши лозим;

2.2.10. Ички аудит хизматини ташкил этиш ва унинг ходимларини тайинлаш, шунингдек ҳар чоракда унинг хисботларини эшлиб бориш;

2.2.11. Жамият ижро органининг фаолиятига дахлдор ҳар қандай хужжатлардан эркин фойдаланиш ва Жамият Кузатув кенгаши зиммасига юқлатилган вазифаларни бажариш учун бу хужжатларни ижро органидан олиш. Жамият Кузатув кенгаши ва унинг аъзолари олинган хужжатлардан факат хизмат мақсадларида фойдаланиши мумкин;

2.2.12. Аудиторлик текширувни ўтказиш (мажбурий аудиторлик текшируви бундан мустасно), аудиторлик ташкилотини белгилаш, унинг хизматларига тўланадиган энг кўп ҳак миқдори ва у билан шартнома тузиш (шартномани бекор қилиш) тўғрисида карор қабул қилиш;

2.2.13. Дивиденд миқдори, уни тўлаш шакли ва тартиби юзасидан тавсиялар

бериш;

2.2.14. Жамиятнинг захира фондидан ва бошка фондларидан фойдаланиш;

2.2.15. Жамиятнинг филиалларини ташкил этиш ва ваколатхоналарини очиш;

2.2.16. Жамиятнинг шўъба ва тобе хўжалик жамиятларини ташкил этиш;

2.2.17. Конунчиликда назарда тутилган ҳолларда йирик битимлар тузиш хамда Жамиятнинг аффилланган шахслари билан битимлар тузиш тўғрисида карор қабул килиш;

2.2.18. Жамиятнинг тижорат ва нотижорат ташкилотлардаги иштироки билан боғлик битимларни конун ҳужжатларида белгиланган тартибда тузиш;

2.2.19. Жамиятнинг корпоратив облигацияларини кайтариб сотиб олиш тўғрисида карор қабул килиш;

2.2.20. Жамиятнинг устав фондини (устав капиталини) кўпайтириш масалаларини, шунингдек Жамият Уставига Жамиятнинг устав фондини (устав капиталини) кўпайтириш хамда Жамиятнинг эълон қилинган акциялари сонини камайтириш билан боғлик ўзгартиш ва қўшимчалар киритиш тўғрисидаги масалаларни ҳал килиш;

2.2.21. Конунчиликка мувофиқ акцияларни жойлаштириш (кимматли қоғозларнинг биржа бозорига ва уюшган биржадан ташкари бозорига чиқариш) нархини белгилаш;

2.2.22. Жамият томонидан корпоратив облигациялар, шу жумладан акцияларга айирбошланадиган облигациялар чиқариш тўғрисида карор қабул килиш;

2.2.23. Кимматли қоғозларнинг ҳосилаларини чиқариш тўғрисида карор қабул килиш;

2.2.24. Жамият ижро органига тўланадиган ҳак ва мукофот миқдорини белгилаш, бунда бизнес-режа кўрсаткичлари бажарилмаган ёки самарадорликнинг мухим кўрсаткичлари “паст” ёки “коникарсиз” деб баҳолангандан тақдирда ижро органи томонидан ўтган хисобот йилида тўланган мукофотни тўлиқ Жамиятга кайтариш масаласини кўриб чикиш;

2.2.25. Жамият асосий фаолиятига хос бўлган янги кўчмас мулк объектларини сотиб олиш ёки куриш хамда хўжалик жамиятлари устав капиталидаги улушни сотиб олиш, шунингдек, асосий фаолиятидан ташкари қўшимча фаолият билан шуғулланиш максадга мувофиқлигини кўриб чикиш ва тегишили карор қабул килиш;

2.2.26. Жамият томонидан мулкни бегоналаштириш, уни сотиши шакли ва механизми, давлат иштирокидаги корхоналар ва уларнинг таркибидаги корхоналар устав капиталига учинчи шахслар томонидан инвестиция киритиш бўйича келишувларини (битим, шартнома, меморандум ва бошқалар) мажбурий тарзда олдиндан кўриб чикиш;

2.2.27. Жамиятнинг раҳбар лавозимларига ўтказиладиган танлов регламентини тасдиқлаш, ижро органи раҳбари ва унинг ўринбосарлари лавозимларига танлов эълон килиш ва ўтказиш;

2.2.28. Ахборот сиёсати тўғрисидаги низомни тасдиқлаш;

2.2.29. Ҳомийлик (хайрия) ёки беғараз ёрдам кўреатиш (олиш) тартиби ва шартларини белгилаш хамда бу борада карор қабул килиш;

2.2.30. Жамиятда корпоратив бошқарув тизимини баҳолашни ташкиллаштириш, баҳолаш ҳуқуқига эга мустакил ташкилотни танлов асосида танлаш;

2.2.31. Кузатув кенгаши аъзоларидан иборат бўлган Стратегия ва инвестициялар, Аудит, Тайнинловлар ва ҳак тўлаш, Коррупцияга карши курашиш ва этика қўмиталарини, шунингдек заруриятга кўра бошка қўмиталарни ташкил қилиш;

2.2.32. Конунчилик ва Жамият Уставига мувофик бошка масалаларни ҳал этиш.

2.4. Жамият Кузатув кенгашининг ваколат доирасига киритилган масалалар ҳал килиш учун Жамиятнинг ижро органига ўтказилиши мумкин эмас.

### **III. Кузатув кенгаши аъзоларини сайлаш ва ваколатини муддатидан илгари тутатиш**

3.1. Жамият Кузатув кенгашининг аъзолари конунчиликда ва Жамият Уставида назарда тутилган тартибда акциядорларнинг умумий йигилиши томонидан З (уч) йил муддатга сайланади.

3.2. Жамият кузатув кенгаши таркибига сайланган шахслар чекланмаган тарзда кайта сайланиши мумкин.

3.3. Жамият бошқаруви аъзолари (директори), унинг шўйба ва тобе хўжалик жамиятларида меҳнат шартномаси (контракт) бўйича ишлаётган шахслар ва ушбу жамиятлар бошқарув органларининг аъзолари жамиятнинг кузатув кенгашига сайланиши мумкин эмас.

3.4. Айни шу жамиятда меҳнат шартномаси (контракт) бўйича ишлаётган шахслар жамиятнинг кузатув кенгаши аъзоси бўлиши мумкин эмас.

3.5. Жамиятнинг Кузатув кенгани аъзолари сайлови кумулятив овоз бериш орқали амалга оширилади.

3.6. Кумулятив овоз беришда ҳар бир акциядорга тегишли овозлар сони Жамиятнинг Кузатув кенгашига сайланиши лозим бўлган шахслар сонига кўпайтирилади ва акциядор шу тариқа олинган овозларни битта номзодга тўлик беришга ёки икки ва ундан ортиқ номзодлар ўртасида тақсимлашга ҳақли.

3.7. Энг кўп овоз тўплаган номзодлар Жамият Кузатув кенгашининг таркибига сайланган деб хисобланади.

3.8. Жамият Кузатув кенгашининг аъзоси у сайланган кундан бошлаб, Жамиятнинг аффилланган шахси деб эътироф этилади. Шунга мувофиқ, у сайланган кундан эътиборан уч иш кунидан кечиктирмай мазкур Низомнинг 1-иловасида келтирилган шаклга мувофиқ белгиланган маълумотларни батафсил кўрсатган ҳолда ўзининг аффилланганлиги тўғрисида Жамиятни ёзма шаклда хабардор килиши шарт.

3.9. Жамият Кузатув кенгаши аъзоларнинг ваколатларини муддатидан илгари тугатиш конунчиликда ва Жамият уставида назарда тутилган тартибда акциядорларнинг умумий йигилиши томонидан амалга оширилади.

3.10. Кузатув кенгаши аъзоси куйидаги ҳолларда ўз вазифаларидан озод этилиши мумкин:

ўз мансаб ёки хизмат мавқеидан шахсий манфаатларини ёхуд ўзга шахсларнинг манфаатларини кўзлаб, Жамиятга заар етказса;

Жамият ва унинг акциядорлари манфаатларига зид равишда инсофесиз ва мантиксиз харакат килса;

Жамият фаолияти тўғрисидаги махфий ахборотни, шу жумладан инсайдерлик ахборотларни ошкор этиш, уларнинг учинчи шахслар томонидан ўз максадларида фойдаланишига йўл кўйса;

Жамият Кузатув кенгашининг мажлисларида, Кузатув кенгаши кошидаги кўмиталарнинг мажлисларида мунтазам равишда иштирок этмаса;

у тузилишидан манфаатдор шахс деб эътироф этилиши мумкин бўлган битимлар тўғрисидаги маълумотларни яширса;

Акциядор тмонидан унинг ўрнига бошқа номзод тақдим этилса.

#### **IV. Кузатув кенгаши таркибига сайланадиган шахсларга иисбатан кўйиладиган талаблар**

4.1. Кузатув кенгашининг аъзоси сифатида бенуксон ишчанлик ва шахсий обрў-эътиборига эга бўлган ҳамда Кузатув кенгаши ваколатига тегишли қарорларни қабул килиш ва функцияларини самарали бажариш учун талаб этиладиган билим, кўникма ва тажрибага эга бўлган шахслар тавсия этилади.

4.2. Куйидаги малака талабларига эга бўлган шахс Жамият Кузатув кенгаши аъзолигига номзод сифатида тавсия этилиши мумкин:

Олий таълим ёки илмий даражанинг, ёинки бошқарув (менежмент) соҳасида кўшимча таълими мавжуд бўлган;

Давлат ёки хўжалик бошқарув органлари активларини бошқариш соҳасида ва/ёки Жамият фаолиятига тегишли бўлган тармоқда иш тажрибасига эга;

раҳбар лавозимларида, шу жумладан Кузатув кенгашлари таркибларида иш тажрибаси мавжуд;

турли коллегиал органларда иштирок этиш, шу жумладан унинг Кузатув кенгаши кўмиталарида аъзолиги билан боғлик маҳсус кўникмалар (кучли коммуникативлик кўникмалари, фаолиятни шаффоффлик, холислик, конструктивлик ва профессионализм тамойиллари асосида амалга ошириш учун зарур сифатлар)га эга бўлган;

Ўзбекистон Республикаси Иктисадий тараккиёт ва камбағалликни кискартириш вазирлиги кошидаги Бизнес ва тадбиркорлик олий мактаби томонидан берилган корпоратив бошкарувчи малака аттестатига эга бўлган (*ушибу банд талаби жамият кузатув кенгашига давлат улуши бўйича таклиф этилган давлат вакилларига нисбатан тадбиқ этилади*).

## V. Кузатув кенгашининг раиси

5.1. Жамият Кузатув кенгашининг раиси Кузатув кенгаши аъзоларининг умумий сонига нисбатан кўпчилик овоз билан, ушбу кенгаш таркибидан Кузатув кенгаши аъзолари томонидан сайланади.

5.2. Жамиятнинг Кузатув кенгаши ўз раисини Кузатув кенгаши аъзоларининг умумий сонига нисбатан кўпчилик овоз билан қайта сайлашга ҳақли.

5.3. Жамият Кузатув кенгашининг раиси:

Кузатув кенгашининг ишини ташкил этади;

Кузатув кенгаси мажлисларини чакиради ва уларда раислик килади;

Кузатув кенгаши мажлисларида баённома юритилишини ташкил этади;

Акциядорларнинг умумий йиғилишида раислик килади.

5.4. Жамият Кузатув кенгаши раиси бўлмаган тақдирда унинг вазифасини Кузатув кенгашининг аъзоларидан бири амалга оширади.

## VI. Кузатув кенгашининг мажлисларини ташкил этиш ва ўтказиш тартиби

6.1. Жамият Кузатув кенгашининг мажлиси Кузатув кенгашининг раиси томонидан унинг ўз ташаббусига кўра, Жамият Кузатув кенгаши, ижро органи аъзосининг, шунингдек Жамият Уставида белгиланган бошка шахсларнинг талабига кўра чакирилади.

6.2. Жамият Кузатув кенгаши мажлисларини ташкил этиш ва ўтказиш пухта ишланган режа асосида амалга оширилиши мумкин. Бундай режани Кузатув кенгашининг барча аъзолари, ижро органи, тафтиш комиссияси ҳамда, зарурат туғилганда, Жамиятнинг аудитори ва ички аудит хизматидан келиб тушган таклифлар асосида Кузатув кенгашининг раиси шакллантиради.

6.3. Жамият Кузатув кенгашининг раиси Кузатув кенгаши мажлисидаги барча иштирокчиларга уни лозим даражада ўтказишга тайёргарлик кўриш ва унда олиб чиқилган масалаларни мухокама килишда фаол иштирок этиш имкониятларини яратади. Жамият Кузатув кенгашининг аъзолари Кузатув кенгаши мажлисларини ўтказишга тайёргарлик кўриш ҳамда уларда иштирок этиш учун етарли даражада вакт ажратишлири лозим.

6.4. Жамият Кузатув кенгашининг мажлислари хар чоракда камида бир марта ўтказилади, бунда мажлиса мажбурий тартибда куйидаги масалалар кўриб чиқилади:

Жамият ижро органининг Жамиятнинг бизнес-режасини бажарилиши тўғрисидаги, Жамиятни ривожлантириш стратегиясига эришиш бўйича кўрилаётган чора-тадбирлари тўғрисидаги, Жамият томонидан амалга оширилган харидлар тўғрисидаги, Жамият асосий (уставдаги) фаолияти билан боғлик ва боғлик бўлмаган шўъба хўжалик жамиятлари ҳамда филиаллари (ваколатхоналари) фаолияти тўғрисидаги, Жамият томонидан тижорат мақсадлари ва нотижорат мақсадларининг бажарилиши тўғрисидаги хисоботлари;

Ички аудит хизматининг ҳисботи;

Кузатув кенгаши хузурида ташкил этилган Стратегия ва инвестициялар кўмитаси, Аудит кўмитаси, Тайинловлар ва ҳақ тўлаш кўмитаси, Коррупцияга карши курашиш ва этика кўмитаси томонидан кўриб чиқилган масалалар бўйича хулоса ва тавсиялари.

6.5. Жамият Кузатув кенгашининг мажлисини ўтказиш учун кворум Жамият Кузатув кенгашига сайланган аъзоларнинг етмиш беш фоизидан кам бўлмаслиги керак,

6.6. Жамият Кузатув кенгаши аъзоларининг сони Жамият Уставида назарда тутилган миқдорнинг етмиш беш фоизидан кам бўлган тақдирда, Жамият Кузатув кенгашининг янги таркибини сайлаш учун акциядорларнинг навбатдан ташкари умумий йигилишини чакириши шарт. Кузатув кенгашининг қолған аъзолари акциядорларнинг бундай навбатдан ташкари умумий йигилишини чакириш тўғрисида карор кабул килишга, шунингдек Жамият ижро органи раҳбарининг ваколатлари муддатидан илгари тутатилган тақдирда, унинг вазифасини вақтинча бажарувчини тайинлашга хаклидир.

6.7. Жамият Кузатув кенгашининг мажлисида карорлар мажлисида хозир бўлғанларнинг кўпчилик овози билан кабул килинади. Жамият Кузатув кенгашининг мажлисида масалалар хал этилаётганда Кузатув кенгашининг хар бир аъзоси битта овозга эга бўлади;

6.8. Кўйидаги карорлар Жамият Кузатув кенгашининг аъзолари томонидан **бир овоздан** кабул килинади:

Жамиятнинг устав фондини (устав капиталини) кўпайтириш тўғрисидаги ва Жамият уставига тегишли ўзгартишлар киритиш хакидаги қарорлар;

конунчиликда назарда тутилган холларда йирик битимлар тузиш тўғрисидаги карор;

Жамиятнинг аффилланган шахслари билан тузилаётган битимни маъқуллаш хакидаги карор;

Жамият томонидан акцияларга айирбошланадиган облигациялар чикариш тўғрисида карор;

сиртдан овоз бериш йўли билан (сўров йўли билан) кабул килинадиган қарорлар.

6.9. Жамият Кузатув кенгашининг бир аъзоси ўз овозини Кузатув кенгашининг бошқа аъзосига беришига йўл кўйилмайди.

6.10. Жамият Кузатув кенгаши аъзоларининг овозлари teng бўлган тақдирда Кузатув кенгаши томонидан карор кабул килишда Жамият Кузатув кенгаши раисининг овози хал килувчи хисобланади.

6.11. Жамият Кузатув кенгашининг мажлисида баённома юритилади. Кузатув кенгаши мажлисининг баённомаси мажлис ўтказилганидан сўнг ўн кундан кечиктирмай тузилади. Мажлис баённомасида кўйидагилар кўрсатилади:

мажлис ўтказилган сана, вақт ва жой;

мажлисида хозир бўлган шахслар;

мажлиснинг кун тартиби;

овоз беришига кўйилган масалалар, улар юзасидан ўтказилган овоз бериш якунлари; кабул килинган қарорлар.

6.12. Жамият Кузатув кенгаши мажлисининг баённомаси мажлиса иштирок этаждан Жамият Кузатув кенгаши аъзолари ҳамда мажлис котиби томонидан имзоланади. Кузатув кенгаши аъзолари мажлис баённомаси тўғри расмийлаштирилиши учун жавобгар бўлади.

6.13. Жамият Кузатув кенгаши мажлисларига котиблик килиш ва баённома юритиш вазифасини бажарувчи шахсни белгилайди. Бунда, Кузатув кенгаши котиби сифатида корпоратив маслаҳатчи, кимматли когозлар бўйича мутахассис, корпоратив бошкарув бўлими бошлиги ёки бошка мутахассис белгиланиши мумкин.

6.14. Жамият Кузатув кенгашининг қарорлари сиртдан овоз бериш йўли билан (сўров йўли билан) Жамият Кузатув кенгашининг барча аъзолари томонидан бир овоздан кабул килиниши мумкин. Бунда Кузатув кенгашининг мажлисида хозир бўлмаган Кузатув кенгаши аъзосининг мажлис кун тартибидаги масалалар бўйича ёзма тарзда берган фикри инобатта олиниди ҳамда замонавий ахборот-коммуникация технологияларидан (телефон, электрон аюла, ижтимоий тармоқларнинг мессенжерлари ва х.к.) фойдаланган ҳолда Кузатув кенгаши аъзосининг ёзма фикри тезкор тарзда йўлланиши ва олиниши мумкин. Жамият Кузатув кенгашининг мажлиси сиртдан овоз бериш йўли билан (сўров йўли билан) ўтказилган тақдирда, мажлис баённомасида бу ҳақда кўрсатилади.

6.15. Жамият Кузатув кенгаши мажлиси масофадан туриб ахборот коммуникация технологияларини, шу жумладан видеоконференц-алока тизимидан фойдаланган ҳолда

масофадан туриб ўтказилиши мумкин, бунда мажлисда иштирок этаётган Кузатув кенгаши аъзолари кун тартибидаги масалаларни муҳокама килишлари ва улар бўйича овоз беришлари мумкин. Жамият Кузатув кенгашининг мажлиси видеоконференц-алока тизимидан фойдаланган холда масофадан туриб ўтказилган тақдирда, мажлис баённомасида бу хақда кўрсатилади, ушбу мажлис сиртдан овоз бериш йўли билан ўтказилган деб эътироф этилмайди.

6.16. Хар чоракда ижро органининг хисоботини эшлиши бўйича кузатув кенгашининг мажлисларини сиртдан овоз бериш йўли билан (сўров йўли билан) ўтказишга йўл қўйилмайди.

6.17. Жамият Кузатув кенгаши мажлисининг баённомаси имзоланган куни Жамиятнинг ижро органига ижро этиш учун топширилади. Кузатув кенгаши акциядорларнинг умумий йиғилишини чакириш тўғрисида карор қабул килган тақдирда мазкур карор хакидаги ахборот Жамиятнинг ижро органига Кузатув кенгашининг мажлиси ўтказиладиган куни топширилади.

## VII. Кузатув кенгаши аъзоларининг хуқуқ ва мажбуриятлари

7.1. Кузатув кенгаши аъзоси куйидаги хукукларга эга:

Кузатув кенгаши мажлисида шахсан иштирок этиш, мажлиса мухокама килинаётган масала юзасидан регламент билан ажратилган вакт доирасида сўзга чикиш;

Кузатув кенгаши карорига кўра муайян даврда Жамиятнинг фаолияти натижалари, уни ривожлантириш режалари тўғрисида тўлиқ ва ишончли ахборот олиш;

Жамиятга, шунингдек, унинг шўъба ва тобе юридик шахсларига оид хар қандай ахборот (хужжат ва материаллар)ни Жамият ижро органидан талаб килиш ва олиш;

кун тартибидаги масалалар, қабул килинаётган карорлар бўйича ўзининг алоҳида фикрини Кузатув кенгаш мажлиси баённомасига киритишни талаб килиш;

Кузатув кенгаши мажлиси кун тартибига киритиш учун масалалар таклиф килиш;

Кузатув кенгаши ва Жамиятнинг бошка коллегиал органлари мажлислари баённомалари билан танишиш ва уларнинг нусхаларини олиш;

конунчиликда ва Жамиятнинг ички ҳужжатларида белгиланган тартибда Кузатув кенгашда ишлаган даври учун ҳақ ва (ёки) харажатларининг компенсациясини олиш.

Бунда кузатувчи кенгаш аъзоларига мунтазам (хар ойда) ва бир марталик (йил якунлари бўйича) рағбатлантириш пули тўланади. Кенгаш аъзоларига тўланадиган хар ойлик ҳақ миқдори жамият директори ойлик маошининг эллик фоизини ташкил этади. Кузатувчи кенгаш аъзоларининг бир марталик (йил якуни бўйича) рағбатлантириш пулининг умумий суммаси йиллик соф фойданинг 2 (икки) фоизигача бўлган миқдоргacha қилиб белгиланади ва ушбу сумма жамият акциядорлар умумий мажлис карори билан йил якуни бўйича жамиятнинг молиявий кўрсаткичларидан келиб чикиб ажратилади ва тўланади.

7.2. Кузатув кенгаши аъзолари ўз хукукларини амалга оширишда ва ўз мажбуриятларини бажаришда Жамиятнинг манфаатларини кўзлаб вижданан ва оқилона иш тутиши, уларга маълум бўлган махфий маълумотларни ва хизмат ҳамда тижорат сирини ташкил этувчи Жамият ҳужжатларини ошкора килмасликлари лозим.

7.3. Кузатув кенгаши аъзолари ўз мавқенини ва Жамият фаолияти ҳакида олинган маълумотларни шахсий манфаатларida фойдаланишига, шунингдек ушбу маълумотларни бошка шахслар томонидан шахсий манфаатларida фойдаланишига йўл қўймасликлари лозим.

7.4. Кузатув кенгаши аъзолари Кузатув кенгаши мажлисида шахсан катнашишлари шарт. Агар мажлиса катнашиш имконияти мавжуд бўлмаса Кузатув кенгаши аъзоси сабабларини кўрсатган холда Кузатув кенгашини бу хақда хабардор киласи. Бир вактнинг ўзида Кузатув кенгаши аъзоси мазкур Низомга мувофик кун тартибидаги масалалар юзасидан ёзма фикрини юборишга ҳақли.

7.5. Аффилланган шаҳе бўлган Кузатув кенгашининг аъзоси Жамият билан битим тувишда аффилланган эканлиги тўғрисида тузилиши кутилаётган битим ҳакидаги маълумотларни, шу жумладан битимда иштирок этаётган шахслар, битим предмети

түғрисидаги маълумотларни, тегишли шартноманинг мухим шартларини батафсил кўрсатган холда ёзма билдириги юбориш орқали Жамиятни хабардор этиши шарт.

7.6. Кузатув кенгаши аъзолари Кузатув кенгаши томонидан у ёки бу қарорларни қабул қилишга таъсир кўрсатганлик учун бевосита ёки билвосита ҳак олиш хукукига эга эмас.

7.7. Кузатув кенгаши аъзолари Жамият имкониятлари (мулкий ва номулкий хукуклар, хўжалик фаолияти соҳасидаги имкониятлар, Жамиятнинг фаолияти ва режалари түғрисидаги ахборот)дан шахсий бойлик орттириш максадида фойдаланиш хукукига эга эмас.

7.8. Кузатув кенгаши аъзолари ўзларининг лавозим мажбуриятларини ҳалол, шунингдек Жамият манфаатлари йўлида улар энг яхши деб хисоблайдиган усул билан амалга оширишга мажбурдирлар.

7.9. Кузатув кенгаши аъзолари куйидаги фидуциар мажбуриятларни бажаришлари лозим:

жонкуярликни намоён қилиш мажбурияти — Кузатув кенгаши аъзосидан вижданан ва жонкуярлик асосида харакат қилиш;

содикликни намоён қилиш ва манфаатлар тўқнашувига йўл кўймаслик мажбурияти — Кузатув кенгаши аъзоларидан, биринчи навбатда, корхона манфаатларидан келиб чикиб харакат қилиш;

лозим даражада кўздан кечиришликни намоён қилиш мажбурияти — Кузатув кенгаши аъзоларидан корхонага нисбатан қарор қабул қилишда эҳтиёткорлик билан ёндашиш;

мустакил мулоҳазадан фойдаланиш мажбурияти — Кузатув кенгаши аъзосидан қарорларни мустакил, шахсий ва бошқа манфаатларни инобатга олмаган холда қабул қилиш.

### **VIII. Кузатув кенгаши аъзоларининг жавобгарлиги**

8.1. Жамият Кузатув кенгашининг аъзолари ўз хукукларини амалга ошириша ва ўз мажбуриятларини бажаришда Жамиятнинг манфаатларини кўзлаб иш тутиши ҳамда белгиланган тартибда жавобгар бўлиши лозим.

8.2. Агар бир нечта шаҳе жавобгар бўлса, уларнинг Жамият олдидаги жавобгарлиги солидар жавобгарлик бўлади.

8.3. Жамиятга заарар етказилишига сабаб бўлган қарорга овоз беришда иштирок этмаган ёки ушбу қарорга карши овоз берган Жамият Кузатув кенгаши аъзолари жавобгар бўлмайди.

8.4. Жамият ёки у жойлаштирган акцияларнинг хаммаси бўлиб қамида бир фоизига эгалик килувчи акциядор (акциядорлар) Жамиятга етказилган заарарларнинг ўрнини қоплаш түғрисидаги даъво билан Жамиятнинг Кузатув кенгаши аъзоси устидан судга мурожаат қилишга ҳакли.

8.5. Жамиятнинг Кузатув кенгаши аъзоси қуйидагилар натижасида Жамиятга етказилган заарар учун жавобгар бўлади:

чалғитувчи ахборот ёки била туриб ёлғон ахборот тақдим этганлик;

конунчиликда белгиланган ахборот тақдим этиш тартибини бузганлик;

Жамиятга заарар етказилишига сабаб бўлган йирик битимларни ва (ёки) амалга оширилишидан манфаатдорлик мавжуд бўлган битимларни тузишни таклиф этганлик, шу жумладан Жамият билан бундай битимлар тузилиши натижасида ўзлари ёки ўз аффилланган шахслари томонидан фойда (даромад) олиш максадида битимлар тузишни таклиф этганлик.

### **IX. Кузатув кенгашининг қўмиталари**

10.1. Энг мухим масалаларни кўриб чиқиш ва Жамиятнинг Кузатув кенгашига тавсиялар тайёрлаш учун Кузатув кенгаши аъзолари орасидан қўмиталар ташкил этилади.

10.2. Жамиятда Кузатув кенгаши карори билан қуйидаги қўмиталар ташкил этилади:

Стратегия ва инвестициялар қўмитаси;

Аудит кўмитаси;

Тайинловлар ва ҳак тўлаш кўмитаси;

Коррупцияга карши курашиш ва этика кўмитаси;

10.3. Барча кўмиталарнинг фаолияти кўмита таркиби, ваколатлари, иш тартиби ҳамда аъзоларининг ҳуқуқ ва мажбуриятлари каби коидаларни ўз ичига олган ички ҳужжатлар билан тартибга солинади.

10.4. Кўмиталар таркиби Кузатув кенгаши аъзоларидан иборат бўлади. Зарур холларда кўмиталар ишига Жамият ижро органлари аъзолари, Жамият ходимлари ва ташки экспертлар жалб этилиши мумкин.

10.5. Жамият кузатув кенгашининг Стратегия ва инвестициялар кўмитаси раиси унинг мустакил аъзолари орасидан тайинланади ва мазкур кўмитага корхонанинг трансформация ва ҳусусийлаштириш жараёнларини доимий бошқариш вазифалари юқдатилади.

10.6. Кўмиталар аъзолари Жамият Кузатув кенгаши раисининг тавсияси асосида Кузатув кенгаши аъзоларидан уларнинг ваколат муддати даврига кўпчилик овоз билан сайланади. Кузатув кенгаши кўмита аъзолари орасидан кўмита раисини тайнинлади.

10.7. Кўмита мажлисида унинг аъзоларининг камидаги 2/3 кисми иштирок қиласа, мажлис ваколатли ҳисобланади, бунда кўмита раиси иштирок этиши шарт. Мажлиса карорлар оддий кўпчилик овоз билан кабул килинади. Ҳар бир кўмита аъзоси бир овозга эга.

10.8. Кўмитанинг карори мажлис баённомаси билан расмийлаштирилади. Ушбу баённома кўмита котиби томонидан юритилади ва у овоз беришда қатнашган аъзолари томонидан имзоланади.

## X. Кузатув кенгашининг мустакил аъзоси

11.1. Жамият Кузатув кенгаши таркибига 1 нафар (*Жамият акциялари фонд бозорининг котировка варагига киритилган бўлса ёки Жамият устав фондида давлат улуши 50 фоиз ва ундан юқори бўлса кузатув кенгаши таркибига камидаги битта мустакил аъзо киритилиши белгиланиши лозим*) мустакил аъзо киритилиши керак, ушбу аъзо ҳар йили қайта сайланиши мумкин. Бунда давлат ва (ёки) хўжалик бирлашмасининг улуши устун бўлса, номзод кўрсатиш ҳамда Кузатув кенгашининг мустакил аъзоси бўйича овоз бериш давлат ва (ёки) хўжалик бирлашмасининг вакиллари томонидан амалга оширилади.

11.2. Қуйидаги шахс Кузатув кенгашининг мустакил аъзоси деб “Акциядорлик жамиятлари ва акциядорларнинг ҳукукларини ҳимоя қилиш тўғрисида”ги Конуннинг 76-моддасида мустакил аъзолар учун белгиланган талабларга мувофик келган Кузатув кенгаши аъзоси эътироф этилади.

11.3. Жамият Кузатув кенгашининг мустакил аъзоси сифатида сайланиши учун, конунчилик ҳужжатлари билан мустакил аъзолик учун белгиланган талабларга мос келувчи қуйидаги шахслар таклиф килиниши мумкин:

профессионал жамиятлар ёки ташкилотларнинг аъзолари бўлган шахслар;

олий таълим ва/ёки илмий-тадқикот муассасаларининг ходимлари;

ушбу Жамият билан боғлик бўлмаган (аффилланган бўлмаган) бошқа ташкилот ва корхоналарнинг раҳбарлари ҳисобланган, корпоратив конунчиликни биладиган ҳамда корпоратив бошқарув усуслари ва тамойилларидан хабардор бўлган шахслар;

сўнгти уч йил мобайнида нафакада бўлган, ушбу Жамиятда узок вакт ишлаган ва корхонани бошқариш соҳасида катта тажрибага эга бўлган шахслар;

молиявий таҳлил ўтказиш, стратегик режалаштириш бўйича тажриба ва кўнікмаларга эга бўлган чет эл мутахассислари.

Кузатув кенгаши аъзолигига мустакил номзодни кўрсатиш Жамият овоз берувчи акцияларининг ҳаммаси бўлиб камидаги бир фоизга эгалик килувчи акциядор (акциядорлар) томонидан амалга оширилади.

11.4. Кузатув кенгашининг мустакил аъзоси бошқа аъзолар билан бир хил вазифаларни бажариб, карорлар кабул килинишида мустакиллик тамойилини таъминлайди.

## **XI. Якуиловчи қоидалар**

12.1. Мазкур Низом Жамият акциядорларининг умумий йигилиши томонидан тасдикланган санадан эътиборан кучга киради.

12.2. Ушбу Низом, шунингдек, унга киритиладиган ўзгартириш ва қўшимчалар акциядорларнинг умумий йигилиши томонидан тасдикланади. Низомга ўзгартириш ва қўшимчалар киритиш тўғрисидаги таклифлар Жамият акциядорлари ва Жамият Кузатув кенгаши аъзолари томонидан киритилиши мумкин.

Ўзбекистон Республикаси конунчилигининг ўзгариши натижасида, ушбу Низомнинг айrim бандлари унга зид бўлиб ёки хақиқий бўлмай колса, Низомга ўзгартириш киритилгунга кадар Жамият Кузатув кенгаши аъзолари Ўзбекистон Республикаси амалдаги конунчилик хужжатларига мувофиқ иш юритадилар.